

Yakobbi Chogsne Chagdis.

Yakobbi chagdisi skor.

I chagdis dia dzadkhanboe khoranja Jakob zerdug. I mibo Tsoo Yeshui nogunni nanje cig yan Yerushalemmi chostshogssi uskyon inkhanbo nadanja gyuntshan manpo gyudte hagoanog.

Chossi khaspa manpoe i chagdispo Yeshu tonste sontea zhanste stinje, lo 13 mi nyekhorla dia dzadte inkhanbo samcespoe, i chagdispo zhalchad some tshanmesan goma dia dzadkhanni specha cigcig inkhanbo hagoanog.

I chagdispo jigstenni nanja yante yodkhan Konchoggi mirigs rcugnyispa dia dzadte innog. Khaspa manpoe Yakobbi ibo Yahudapa Mashikapagunla dia dzadkhanbo sammanog. I chagdis ditshulboe te speragunla gyabskyor coanog.

Yakobbi chagdis dicesi gyuntshanbo, i chagdis silkhangunla tadpa coad cigpo mazerra zhagtanji lassi nanja tebo laglen coste stancesla spospa tancespo innog. Khonji tadpacangunni mitshee nanja hagogoshes tan gyurja khyongoshescanni izug spera riggi skorla molla dzaddug.

1. Rdugnal nadanji phia kazuggi phanthogscan in.
2. Mashikapa nyalbacan tan chugpoe nanja yaphes maco.
3. Tadpaa laglen coste ston.
4. Khane spera njanpagun bin macug.
5. Chugpogunni nyalbacangunla tshod macad.
6. Moslam ni khyudcan in.
7. Sdigpe nanja gyelkhanni Mashikapagun skyobces.

Yakobbi chogsne ju.

1:1

1 ¹Da Jakob, Konchog tan Tsoo Yeshu mashike zhabstogpa zhig in. De i igebo, jigsten ganpoe nanja khyebste yodkhan Konchoggi mirigs rcugnyisgunla diad. Khyozhagunla ne ju zhuad.

Idshes tan shesrabs.

1:2 ne 18

²De spungun, khyozhaa nagsbardo thonjacig, ibo ma skyidpo yoncessi skabsshig innog samgos. ³Ciazerna khyozhagunni tadpaa tshodlta cur zane, khyozhagunni snyinrusgunla Idancessi skabs thobcespo gyusinnog. ⁴Tene ibo Idancugshig ciazerna nam khyozhagunni snyinrusgun ganpo Idanna khyozhagun tadpe nanja chatshan Idante, can ghosdom medkhan rig gyurin.

⁵Kaltes khyozhaa suzhigga shesrabs gosna, snyin pheste salkhanni nadangunni Konchogga zhus. Khonji tebo khyoranja salla dzadin. Khonji khyoranja zhuwa

phulcessi phia khaskyea midzad. ⁶ Innar khyoranji zhuwa phul zane, thetshoms macoa thobbanog samste idshes cogos, ciazerna thetshoms cokhanni mibo tshoe chulbag tsogsshig innog, kabo lunstshubssi injoa arjo thidte khyerranog.

⁷ Thetshomscanni miboe Tsooe kane carj thobcessi rewa bor magos ⁸ ciazerna khoe semspo Konchog tar jigsten nyiskoe chogsla yodte innog, yar las tshanje nanja stanpo medte innog.

⁹ Tadpa yodkhan nyamshur nyalbacangunni, thadpo cogoshes innog ciazerna Konchoggi khongunla stsiwa coa dzadte innog. ¹⁰ Innar chugpogunnar, Konchoggi khongun pasmo coa dzadcespoeka thadpo cogoshes innog, khongun zhirji mentog yolte chaa tsogsla, medkhan chen. ¹¹ Nyima tshante sharte stsagun mea sagte, mentog churjunbo budte, yar teboe dzespobo medkhan chanog. Tenna tsogsla norri gyabne banjarin yoddi tusla, chugpogunnar medkhan chen.

¹² Snyirrus nyampo rdugjal khurkhangunla, cinlabs salin, ciazerna tshodlte nanja tharkhyel chakhangunla, Konchoggi thamedpe mitshee thorshogpo salla dzadin, kabo Konchoggi khonja cessa cokhangunla salcessi zhalchad dzadte in. ¹³ Namzhig khyoranja sdigpa cocessi dodpa skyena Konchoggi raa sdigpe nanja gyelcugcessi stsondu dzadte innog mazershig. Konchoggi thugsdoddi nanja ranpa cocespo mane medkyag, matshad khonji suzhigar sdigpa cocessi dodpe nanja gyel cugga mane dzadda manog. ¹⁴ Sdigpa cocessi dodpagun rajararji sems ranpe ranje yorjanog, kaboe rajarunla gobskorte Konchogne thagrinar thidte khyerranog. ¹⁵ I dodpagunni sdigpe lasgun skye cugganog, yar sdigpabo ldancugna, teboe shicespo skye cugganog.

¹⁶ De cespe spungun, gobskor tar macugshig. ¹⁷ Zarjo tar punsumtshogspe staggun, namkhe od tshanja coa dzadkhanni, rajarunni yab Konchogne yorjanog. Te odgun ya tegunni tibkyag tsogsla khonji nanja gyurja yorja manog. ¹⁸ Khonararji denbe ka gyudte, khonji rajarunla mitshe somazhig salcesla ldamma dzadte, rajarun khonji dzadpagunni tone tshanmesar rincan thea dzads.

Nyances yar laglen coces.

1:19 ne 27

¹⁹ De cespe spungun, khyozhagunni zhanmagunla gyalla coste nyonshig, samba tarste spera torshig, yar gyogspa so yor magos. ²⁰ Ciazerna soe mizhiggi nanja Konchog thugsthadkhanni ranpo lasgun smincugga manog. ²¹ Teboephia khyozhagunni mitshee nanja yodkhanni stsogpo tar ranpa tshanja phorshig. Yar pasmo coste Konchoggi khyozhagunni semssi nanja borra dzadkhanni kagunla khanyonshig, kaboa khyozhagun tharcugcessi khyud yodte innog.

²² Innar Konchoggi kagunla nyances cigpo manpa, tegunnika laglen coshig. Te manna, khyozhagunni ranjararja gobskorte innog. ²³ Kaltes khyozhe Konchoggi kagun nyante laglenni nanja makhyorja, te mibo tsogs innog, kaboe melorji nanja khorarji ldonja stad, ²⁴ yar thonje stjerne tekane sorje tennamalla khorar kazugshig thonkhanbo rjeddanog. ²⁵ Innar kaltes khyozhagunni phunsumtshogsipa

thimspo salpo coste hagogessi stsonđus cona, kaboe ranwan tanjad yan zerte yodkhangun coste tshorkhangun rjed marjedna, Konchoggi khyozhagunla tezug cocessi phia cinlabs salla dzadin.

²⁶ Kaltes khyozhagun chospazhig in zerradna innar ranji Iceboika nyara gyabste borra medna, khyozhagunni ranđanranja gobskorte, khyozhagunni chospo rinmedzhig gyurte innog. ²⁷ Konchog yabbi skundunla stsarjma tan rjospoe chossi tontagpo ni, phama medkhanni řugugun tan anemaranjmo gunla, nagsbardoe tusla stastog coces, yan jigstenni las ranpagunni ranja madessa ranđanranj skyobste borcespo innog.

Chogsrissi gyabgalla Idamzhag.

2:1 ne 13

2 ¹ De spungun, kaltes khyozhagunni chogris coadna, khyozhe řadanjunni zirrjdcanni Tsoo Yeshu mashike nanja tadpa yod zerte kazuggi zer thubin.

² Sperna mizhig serri serdub tagste rincan Koslag gonte, yan mi nyalbacanzhig snyinpa Koslag chadkhan gonte khyozhagunni chostshogssi nanja yonja, ³ khyozhagunni mi chugpoboa migsalli nanja tanste khoa, "Juju i stsiwacanni nasseka zhugssa dzad", innar mi nyalbacanboa, "Khyoranj ika lanste dug" ya "De kanpe dunla seka dug" zerna, ⁴ tene ci i chogsrispoe, khyozhaa khyozharanj dodpa ranpagunni řhidte manogga?

⁵ De cespe spungun nyonshig, ci Konchoggi i jigstenni nanja nyalbacangun tadpe nanja chugpo gyurcessi phia Idamma dzadte manogga? Yan khongunla Konchoggi gyalřidpo mithobba, kabo Konchoggi khonja cesa cokhangunla salcesla zhalchad dzadte in? ⁶ Innar khyozhagunni nyalbacangunla stsiwa macoa innog. Ci khyozhagunla gobnon tanste řhimskhunja khyerkhangun, te chugpogun manna? ⁷ Ci řadanji Tsoo Yeshu mashike tshan ranpoa ranpa zerkhan tennagun manna?

⁸ Kaltes khyozhagunni dampe sunřabssi nanja yodkhanni gyalřhims "Ranja camspa cokhan tsogs khyoranji khyimtsheřan camspa cos" molkhanboa denbaa khanyanna, tene khyozhagunni ranpo coste innog.^a ⁹ Innar kaltes khyozhagunni chogs cona sdigpa coste, khyozhaa Konchoggi řhimspo cagcesla nořscan innog.

¹⁰ Mizhiggi řhims cigcig cagste zhandřarjma khaa nyannar khoe Konchoggi řhims řřarjma cagkhan tanřsogs innog. ¹¹ Sperna Konchoggi molte innog "Zhanme zhidmadzhig nyampo luřđel maco"^b Yan "Mi masad"^c kaltes khyoranji zhanme zhidmad nyampo luřđel coa medđo, innar mizhig sadna, tene Konchoggi řhims cagste khyoranj nořscan gyurte innog.

¹² Tene zerkhan ya cokhangunla ranwan salkhanni řhimspoe khyozhaa řhimscad tanřespo idtu coshig. ¹³ Snyinrje mastankhanni migunla snyinrje mithob.

^a2:8 řhimssi řpecha tanřpoe 19:18

^b2:11 řinře chakhanni řpeche 20:14

^c2:11 řinře chakhanni řpeche 20:13

Innaŋ kaltes khyozhagunni zhanmagunla snyinŋrje stante yodna, Konchoggi khyozhagunlaŋ, thimscaddi zhagga snyinŋrje stanna dzadin.

Laglen medkhanni tadpabo tonmed innog.

2:14 ne 26

¹⁴De spungun, kaltes khyozhe zerna ŋe tadpa coad innaŋ tebo laglenni nanŋa khyoŋŋa medna, ci phanthogs? Ci tetsogssi tadpe khyozhagun skyobinna? Miskyob. ¹⁵Sperna khyozhagunni zagyu ya gongyu medkhanni spun ya spunmozhig thoŋŋte, ¹⁶khyozhaa ciggi khoa zerin, "Juhe tonmo coste danŋan zoste khamzarŋ zhide nyampo zhugs", innaŋ khoa zagyu ya gongyu mataŋna, khyoraŋŋi khoe phia ci zanŋo coste in?

¹⁷Tenna tsogsla laglen medkhanni tadpa cigpo shite innog.

¹⁸Ta khaciggi i labzhe gyabgal coste zersidces innog, "Mi khacigga tadpa yan khacigga las zanŋo cocespo yodkyag." Innaŋ ŋe zerin, "Kaltes khyoraŋŋi laglen macona, kazuggi khyoraŋŋa tadpa yodkhanbo ŋaa stan thubin? Daraŋŋi laglen gyudte ŋe tadpabo khyoraŋŋa stanin."

¹⁹Khyoraŋŋi zerin, khyoraŋŋa tadpa yod, ciazerna Konchog cig zhugste inkhanbo khyoraŋŋi idshes coanog. Gyalla rag! Rduŋgunniaŋ, teboa tadpa coanog yan khorŋŋa jigste darranog. ²⁰Khyoraŋ tsamshiggi samba medkhanzhig in. Ci laglen macokhanni tadpa phanmithogs inkhanbo khyoraŋŋa thoŋŋa midugga?

²¹Dadaŋgunni phamespo Abrahamma, Konchoggi khoranŋi tadpa laglenni nanŋa khyoŋcespoe mi tanŋozhig thea madzadsa, nam khoe khoranŋi butsha Isak chodthika chodpa phulkysis yodpin? ²²Ci tadpa tanŋ laglen gunni nyampo las cocespo Abraham gyudte, khyozhe mathoŋŋa? Khoe laglenboe, khoe tadpabo danŋa dūbcugste innog. ²³Dampe sunrabssi nanŋa "Abrahammi Konchoggika idshes cospa, khorŋŋi khoa mi tanŋozhig thea dzads^d" molkhan nanŋzhinla curŋŋte innog, matshad khoa Konchoggi dzaoaŋ zhuadpin. ²⁴Khyozhe ŋadaŋgun Konchoggi skundunla tadpa cigpo manpa, tadpa tanŋ laglen nyisko gyudte tanŋo theadzadcespo mathoŋŋa?

²⁵Tenna tsogsla zugstsoŋma Rahab zerkanboan, khoranŋi laglengun gyudte, Konchoggi skundunla tanŋo thea madzadsa, nam khoe Israelli magmi nyisko khorŋŋi daogunni kane vaste zhanyaŋ lam sosozhigne khamzarŋ lamcugs. ²⁶Ugs medkhanni zugspo shite inkhan tsogsla laglen medkhanni tadpaboan, shikhan tsogs innog.

Lce cunte borces.

3:1 ne 12

3¹De spungun, khyozhaa manŋpoe chostshogssi nanŋa gergan gyurin samte rewa co magos, ciazerna Konchoggi ŋadaŋ labzhaa tanŋkhanunla tagga thimscad phogcespo, khyozhaa gyusinnog. ²Ona, ŋadaŋ tshanŋme skyon

^d2:23 gozuggi speche 15:6

maŋpozhiġ coanog. Kaltes mizhiġgi zerkhan tshaŋma skyonmed yodpinna, kho phunsumtshogspazhiġ yodġo, yaŋ khoe lus gaŋpo cunte borthubbanog.

³ Ste khe naŋŋa yodkhanni ŧabspo gyudte ŋadaŋgun karu chen samnaŋ, teru stabo thidte khyer nyannanog. ⁴ Tenna tsogsla shedcan luŋspoe rilin yodkhan te ŧuziŋ chenmobaŋ ŧuziŋŋi jukka yodkhanni shinleb chuŋunbo nyampo, ŧuziŋ ŧulkhanboe karu ŧulte khyerin samnaŋ, khyer nyannanog.

⁵ Tenna tsogsla lcebo ŋadaŋŋi zugspoe khag chuŋunzhiġ innar, iboe phosocanni spere mi maŋpozhiġga nodskyal nyannanog, kazug metsag chuŋunzhiġgi nagtshogs chenmozhig mea sparnyanin. ⁶ Lcebo ni me tsogs innog. Zugspoe yanlaggunni ŧone lcebo ni, ŋanpa gaŋskhanni nassashig innog. Iboe zugspoe gaŋpo tshitu gyur cugste, khoe mitshe gaŋpoa me bar cugganog, ciazerna lcea me sparkhanbo nyalwe me innog.

⁷ Mia semscan, ca, ghalciggi rigs taŋ, tshoe naŋŋa nya chenmo snatshogs gun, khoranŋunni waŋŋi yogga khyoŋ nyannanog. ⁸ Innar suzhiggaŋ lcebo, khoranŋi waŋŋi yogga khyoŋ manyanna innog. Ibo ni dug mane manyankhanni ŋanpa, shicugkhanni tuggi gaŋste yodte innog. ⁹ Dadanŋunni inna lce nyampo ŋadaŋŋi Tsoo, yab Konchogga stodpa phullanog. Innar tenna lce nyampo Konchoggi khoranŋ tsogs coa dzadkhanni migunla rŋan tabbanog. ¹⁰ Yaŋ stodpa taŋ rŋan tabces nyisko, tenna khe naŋŋe biŋŋanog. Denba ŋe spungun, tetsogs cha magos. ¹¹ Ci chumigshiggi naŋŋe chu lagmo taŋ tshaku nyisko biŋŋinna? ¹² De spungun, ci phiggi khazassi lcaŋme kane oliw ya rgunni khazassi lcaŋme kane phig smininna? Mane mismin. Tenna tsogsla khyozhagunni chumiggi chu tshakui naŋŋe chu lagmo phiŋ minyan.

Denbe shesrabs Konchogne cuŋŋanog.

3:13 ne 18

¹³ Khyozhagunni ŧone shesrabscan taŋ hagocambo su in? Tetsogssi miboe, shesrabsne yoŋkhanni pasmo nyampo las coste mitshe zaŋpozhiġ phudte ston. ¹⁴ Innar kaltes khyozhe semssi naŋŋa ŧante tshigsces taŋ raŋdod yodna, shesrabscan stanin raŋstod taŋste Konchoggi denbe labzhe gyabgal maco. ¹⁵ Tetsogssi shesrabs Konchoggi chogsne mayoŋŋa, jigstenpa tadpa medkhangunni samtshul taŋ rdud gunne yoŋŋanog. ¹⁶ Karu tshigces taŋ raŋdod yod, teru hiliŋs taŋ tshirka medkhan yaŋ ŋanpe rigs tshaŋma yodte innog.

¹⁷ Innar Konchogne yoŋkhanni shesrabspo ni, taŋporanŋ sems lagmo, tene zhidea thadkhan, sems bolmo yodkhan, waŋŋi yogga duggala thadkhan, snyinŋjee gaŋskhan, las zaŋpo cokhan, chogris macokhan taŋ khachos macokhan gun innog. ¹⁸ Mi parla zhide khyoŋkhangunni zhanmagunni semssi naŋŋa zhidee saon tabbanog, yaŋ ŧaŋpoe stonthog rŋanog.

Konchoggi nyemoa yonçes.**4:1 ne 10**

4¹ Khyozhagunni ƙoa dzirimo taŋ nolces gun cii zhaste yonɗug? Ci tegun khyozhagunni dodpagunni kane yonŋa manogga, kagun khyozhe gyabgalla nolin yod? ² Medkhangun khyoraŋŋa gospa, tebo thobcessi phia saddanog. Zhanmagunla yodkhanboeka khyoraŋŋa dodpa ŝante yodte tebo mathob pasan, khyoraŋŋi khonŋun nyampo dzirimo taŋste nollanog. Khyoraŋŋi dodpa yodkhangun khyoraŋŋa medpa innog, ciazerna khyoraŋŋi teboephia Konchogga zhuwa maphulla innog. ³ Yar khyoraŋŋi zhu zane, khyoraŋŋa thobba manog ciazerna khyoraŋŋi ton ŋanpa nyampo zhuste innog, kabo khyoraŋŋi raŋŋa skyidpo thobcessi naŋŋa kollanog.

⁴ Tada medkhanni migun, jigstenni inkhangunla yasha cocespo Konchogga naphrad coste inkhanbo, khyozhagunla gyusmedda? Yaŋskyar zerrad, jigsten nyampo dzaococsla thadkhangun, Konchoggi ɗao gyurte innog. ⁵ Khyozhagunni dampe surrabssi naŋŋa "Konchoggi ŋadangunni naŋŋa semsnyidpo salla dzad pasan, khonŋi ŋadangun khonŋ cigpoe incespoa maŝante thugsdod dzaddanog" molkhanboa tontag medkyag samma ragga? ⁶ Innaŋ tetsogssi dodpa ŋanpe gyabgal cothubcesla khonŋi ŋadangunla thugrje maŋŋa salte innog, kazuggi dampe surrabssi naŋŋa molte dug.

"Konchoggi phoso cokhangunla gyabgal coa dzaddanog,
Innaŋ pasmo yodkhangunla thugrje salla dzaddanog."^e

⁷ Konchoggi skundunla raŋdanraŋ khonŋi waŋŋi yogga borshig, yar rdugunni gobe gyabgalla nolshig, tene kho khyozhe kane shorte chen. ⁸ Kaltes khyozhaa Konchoggi nyemoa yonŋa, tene Konchog khyozhagunni nyemoa skyodin. Khyozhaa sdigcangunni raŋŋi lagpa thushshig, yar jigsten taŋ Konchog nyiskoe gyabne ɗulkhangun, khyozhe sems stsaŋma coshig. ⁹ Sems skyomo coste, rdugpo coin ŋushig. Habgoddi tshabsla rdugpo yar skyidpoe tshabsla skyomo coshig. ¹⁰ Raŋdanraŋ Tsooe skundunla pasmo cos, tene khonŋi khyoraŋŋa stsiwa taŋpo salla dzadin.

Zhanmagunla thimscad taŋcessi gyabgalla span puds.**4:11 ne 12**

¹¹ Cespe spungun, cig taŋ ciggi gyabgalla spera ŋanpa mataŋshig. Kaltes khyozhagunni cig taŋ ciggi gyabgalla spera, ya thimscad taŋŋa, khyozhagunni zhanma cessa cocessi thimspoe gyabgalla spera taŋ thimscad taŋste innog. Khyozhagunni thimscad taŋŋa, khyozharangun thimspen gyurte khyozhagunni thimspoe khaa manyanna innog. ¹² Konchog cigpo ni, thims salkhan taŋ thimspen zhugste innog. Khonŋ cigpoa skyobces ya migun nyalwe naŋŋa phaŋŋa dzadcessi waŋ yodte innog. Tene zhanmaa thimscad taŋkhan khyozhaa su in?

^e4:6 tamspe speche 3:34

Phosoe gyabgalla spaŋ puds.**4:13 ne 17**

¹³"Ma gyogspa, ɳazhagun gyalsa soŋte tusbanshig dugste tshoŋ coste pene maŋpo coin" zerkhangunni nyonshig. ¹⁴Khyozhe mitshee naŋŋa thore ci cunjin, khyozhaa ci gyusyod? De khyozhagunni mitshebo ci nyampo lduŋ? Ibo ni ɳatoggi mamun tsogs innog kabo tus nyunjunzhig mane lussa manog. ¹⁵Khyozhagunni zergos, "Kaltse Tsooe thuggoŋs yodna, ɳadaŋgunni mitshee naŋŋa ibo ya tebo coin." ¹⁶Te manna, khyozhagunni raŋdaŋraŋŋi thabdiŋsgunni naŋŋa phoso coste innog, yaŋ tetsogssi phosogun ɳanpa innog.

¹⁷Kaltse suzhigga khoranŋi cogoshessi las zaŋpogun gyusyodtear macona, khoe sdigpa coste innog.

Chugpogunla spaŋ puds.**5:1 ne 6**

5¹ Mi chugpogun nyonshig, chima taŋin ɳusmaŋ toŋshig, ciazerna khyozhagunla ŋaŋte nags taŋ bardo thoŋin. ²Khyozhagunni gyunorgun rulte, yaŋ khyozhe rincan Kosgunla mugpa tabste innog. ³Khyozhagunni ser taŋ mul gun rinmed gyurte innog. Khyozhe rewa borkhanni tenna gyunorboe, me naŋŋa tshigga tsogsla khyozhe shagun zoste medkhan coin. Ƴhimscaddi zhagga, khyozhe sagste borkhanni tenna gyunorgunni khyozhe sdigpe spaŋpo taŋin. ⁴Ta zhiŋŋika las cokhanni lache naŋŋa khyozhe gobskor taŋkhangunni kuco taŋ ɳuces gun nyonshig, khyozhe mataŋŋa borkhanni te lachagunni, khyozharanŋi gyabgalla spaŋpo taŋin innog. Khyozhe zhiŋŋakhangunni kuco taŋ ɳuces gun, Tsoo Konchoggi sanna dzadte innog.

⁵Khyozhagunni i jigstennika nor maŋpo taŋ raŋraŋŋi dodpa yodkhan tshaŋma ɳaŋɳa ɳubcugin mitshe phudte innog. Rama taŋ lug gun sadcessi phia gyagspa chacugces tsogsla khyozhagunniaŋ sadcesla khyozharanŋ gyagspa chacugste innog. ⁶Khyozhagunni noŋsmedkhanni migun sadcessi Ƴhimscad taŋste saddanog, kagunni khyozhe gyabgal macos.

Zodpa gomces.**5:7 ne 18**

⁷De cespe spungun khyozhagun Tsoo Yesu logste skyodces tshagpa zodpa nyampo ŋuŋste dugshig. Zhiŋbadpa ltosshig, kabo ston taŋ spid nyisko zodpa nyampo charpa ŋuŋste khoranŋi rincan stonhoggun tshoste ɳala riŋssad.

⁸Khyozhagunniaŋ zodpa coste snyiŋgunla spospa skyecugshig, ciazerna Tsoo Yesu logste phebsnessi tuspo nyemoa lebste innog.

⁹Spungun cig taŋ ciggi gyabgalla zergyu mataŋshig. Kaltse taŋna Tsoo Yesu mashike khyozhagunla Ƴhimscad salla dzadin. Ltosshiggaŋ Ƴhimscadkhanbo ghoe dunla zhanste dug.

¹⁰ Spungun rdugñalli nanñan zodpa nyampo Tsoo Konchoggi wanñi nanña spera salkhanni luñstonpagun spezhiggi tshulla Itosshig. ¹¹ Khyozhagunla gyus innog, Konchoggi zodpa nyampo rdugñal khurkhangunla cinlabs salla dzadte innog. Sperna snyinruscanni mi Yobba, Tsoo Konchoggi stinjugpoeka snjinni san mamañpo salla dzadskhanboe skorla khyozhagunni tshorte innog. Tsoo ni thugrije tar snyinrje ganste innog.

¹² Innan ñe spungun, tshanmesañ khagcanbo, namkhaa ya jigsten ya zhan cizhiggian naa mane makhurshig. Teboe tshabsla khyozhagunni inna in, ya manna man zershig, te mane khyozhagunla thimscad phogin.

¹³ Ci khyozhe ñone suzhig rdugpoe nanña yodda? Tene Konchogga moslam zhushig. Ci khyozhagun thadpo inna? Tene Konchogga stodpe lu phulshig.

¹⁴ Ci khyozhe ñone suzhigga zumo yodda? Tene khyozhagunni chostshogssi uskyongunla bod, yan khonñunla khyoranña Tsooe tshan wanñanni nanña mar lugste moslam zhucugshig. ¹⁵ Tetsogssi moslam tadpa nyampo phulkhanboe nadpo gyalte Tsooe khyoran phancugga dzadin. Kaltes khyoranñi sdigpa coste yodnan khyoranña shagspa salla dzadin.

¹⁶ Khyozhagun gyalcessi phia khyozhe sdigpagun shadte cig tar ciggi phia moslam zhushig. Mi tanpoe moslam phulkhanboa mañante khyud yodte ñasbu halasshes sminnanog. ¹⁷ Luñstonpa Eliya idtu coshig, khon ni ñadan tsogsla mizhig zhugste inpin. Nam khonñi snyinñe Konchogga Israelli nanña charpa mibabsshesla moslam zhuspa, lo sum nan phed charpa mababs. ¹⁸ Tene yanñkyar khonñi charpa phabcesla moslam phullacig, charpa babste seka stonthogs smin.

Tadpa storkhan tadpe nanña logste khyonñes.

5:19 ne 20

¹⁹ De spungun, kaltes khyozhagunni ñone suzhig Konchoggi denbe lammi kane nurte sonñe, zhanmazhiggi kho tadpe nanña logste khyonñeste yodna, ²⁰ logste khyonñkhanboe te sdigcanbo nyalwe nanñe tharcugste sdigpa manñozhiggi kane shagspa thobcugskhanbo khyozhagunla tantan gyus yonños.